

5238.08/2457

v.4

709041(4)

文

子

卽位告天文

梁武帝

皇帝臣諱敢用玄牡昭告於皇天右帝齊氏以於運斯既否終則
 亨欽若天應以命於諱夫任是司牧惟能是受天命不于常帝王
 非一族唐謝虞受漢替魏升爰及晉宋憲章在昔咸以君德馭四
 海元功子萬姓故能大庇民黎光宅區宇齊代云季世主昏凶狡
 馬群慝是崇是長肆厥姦回暴亂以播虐于我有邦禪溥天惴惴
 將墜於深壑九服八荒之內連率岳牧之君蹶角頓顙匡救無術
 卧薪待然援天靡訴諱投袂星言摧鋒萬里厲其掛冠之情用拯
 兆民之切銜膽誓衆覆銳屠堅建立人主克翦昏亂遂因時來宰



CHINESE - JAPANESE LIBRARY
 HARVARD - YENCHING INSTITUTE
 AT HARVARD UNIVERSITY
 JUN 15 1945

司邦國濟民康世是有厥勞而啓緯呈祥川岳効祉朝夕坰牧日
月郊畿代終之符既顯革運之期已萃殊俗百蠻重譯獻欵人神
遠通罔不和會於是群公卿士咸致厥誠並以皇乾降命難以謙
拒齊帝脫屣萬邦授以神器諱自惟匪德辭不獲許仰追上玄之
睠俯惟億兆之心宸極不可久曠民神不可乏主遂藉樂推膺此
嘉祚以茲寡薄臨御萬方顧求夙志永言祇惕敬簡元辰恭茲大
禮升壇受禪告類上帝克播休祉以弘盛烈式傳厥後用永保于
我有梁惟明靈是饗

爲陳武帝卽位告天文

徐僕射

皇帝臣諱敢用玄牡昭告於皇皇后帝梁代以圯剝薦臻歷運有
極欵若天應以命於諱夫肇有烝民乃樹司牧選賢與能未常厥
姓放勛重華之世咸無意於受終當塗典午之君雖有心於揖讓
皆以英才處萬乘高勳御四海故能大庇黔首光宅區縣有梁末
運仍葉邁屯德醜憑陵从移神器承聖在外非能祀夏天未悔禍
復罹寇逆嫡嗣廢黜宗枝僭詐天地蕩覆紀綱泯絕諱爰初投袂
大拯橫流重舉義兵實戡多難廢王立帝實有厥功安國定社用
盡其力是謂小康方期大道旣而煙雲表色日月呈瑞緯聚東井
龍見譙邦除舊布新旣彰玄象遷虞事夏且協謳訟九域八荒同

布衷款百神群祀皆有誠願梁帝高謝萬邦授以大寶諱自惟菲
薄讓德不嗣至於再三辭勿獲許會以百姓須主萬機難曠皇靈
眷命非可謙拒畏天之威用膺嘉祚永言夙志能無慙德敬簡元
辰升壇受禪告類上帝用答民心永保於我有陳惟明靈是饗

為齊卽位告天文

魏特進

皇帝臣諱敢用玄牡昭告於皇皇后帝否泰相沿廢興迭用至道
無親應運斯輔上覽唐虞下稽魏晉莫不先天揖讓考歷歸終魏
氏多難年將三十孝昌已後內外去之世道橫流蒼生塗炭賴我
獻武拯其將溺三建元首再立宗祧掃絕群凶芟夷奸宄德被黔

黎勳光宇宙文襄嗣武克構鴻基功浹寰宇威稜海外窮髮懷音
西寇納款青丘保候丹穴來庭扶翼危機重匡頽運是則有大造
於魏室也魏帝以下世告終上靈厭德欽若昊天允歸大命以禪
於臣諱夫四海至公天下為一總民宰世樹之以君既川嶽啓符
人神效祉群公卿士八方兆庶僉曰皇極乃顧於上魏朝推進於
下天命不可以暫虛遂逼群議恭膺大典猥以寡薄託於兆民之
上雖天威在顏咫尺無遠循躬自省實懷祗惕敬簡元辰升壇受
禪肆類上帝以荅萬國之心永隆嘉祉保佑有齊以被於無窮之

祚

卽位告天文

魏文帝

皇帝臣丕敢用玄牡昭告於皇皇后帝漢歷世二十有四踐年四百二十有六四海困窮王綱不立五緯錯行靈祥並見推術數者慮之古道咸以爲天之曆數運終茲世凡諸喜祥民神之意比昭有漢數終之極魏家之符漢主以神器宜授於臣憲章有虞致位於丕丕震畏天命雖休勿休群公庶尹六事之人外及將士泊於蠻夷君長僉曰天命不可以辭拒神器不可以久曠群臣不可以無主萬機不可以無統丕祇承皇象敢不欽承卜之字龜兆有大橫筮之三易兆有革兆謹擇元日與群寮登壇受帝璽綬告類于

爾大神唯爾有神尚饗永吉兆民之望祚于有魏世享

與段匹磾盟文

劉越石

天不靜晉難集上邦四方豪傑是焉扇動乃憑陵於諸夏俾天子播越震蕩固有攸底二虜交侵區夏將泯神人之主蒼生無歸百罹備臻夙喪相枕肌膚潤于鋒鏑骸骨曝於州莽千里無烟火之廬列城有兵曠之邑茲所以痛心疾首仰訴皇穹者也臣瓊蒙國寵靈叨竊台岳臣磾世效忠節忝荷公輔大懼醜類猾夏王旅殞首喪元盡其臣禮古先哲王貽厥後訓所以翼戴天子敦序同好者莫不臨之以神明結之以盟誓故齊桓會於邵陵而群后如恭

晉文盟於踐土而諸侯茲順加臣等介在遐鄙而與主相去迥遠是以敢干先典刑牲軟血自今日既盟之後皆盡忠竭節以剪夷二寇有加難於殫琨必救加難於琨殫亦如之繼繕齊契披布胸懷書功金石藏於王府有渝此盟亡其宗族俾墜單旅無其遺育

爲陳霸光與王僧辯盟文

沈侍中

賊臣侯景凶羯小胡逆天無狀構造姦惡違背我恩義破掠我國家毒害我生民移毀我社廟我高祖武皇帝靈聖聰明光宅天下劬勞兆庶亭育萬民如我考妣五十所載哀景以窮見歸全景將戮之首置景要害之地崇景非次之榮我高祖於景何薄我百姓

於景何怨而景長戟彊弩陵蹙朝廷鋸牙郊甸殘食含靈剝肝斷趾不厭其快曝骨焚尸不謂爲酷高祖菲食卑宮春秋九十屈志凝威憤終賊手大行皇帝溫嚴恭默正守鴻名於景何有復加忍毒皇枝纏抱已上總功以還窮刀極俎既屠且殮豈有率土之濱謂爲王臣食人之禾飲人之水忍聞此痛而不悼心况臣僧辯臣霸先等荷稱國藩湘東王臣諱泣銜哀之寄摩頂至足之恩世受先朝之德身當將相之任而不能瀝膽抽腸共誅姦逆雪天地之痛報君父之讐則不可以稟靈含識戴天覆地今日相國至孝玄感靈武斯發已破賊徒獲其元帥止餘景身尚在京邑臣僧辯與

臣霸先協和將帥同心共契必誅凶豎尊奉相國嗣膺鴻業以主
郊祭前途若有一功獲一賞臣僧辯等不推己讓物先身帥衆則
天地宗廟百神之靈共誅共責臣僧辯臣霸先同心共事不相欺
負若有盡戾明神殛之

遼陽山寺願文

盧武陽

齊興二十有三載區宇又安列聖重光百神受職天平地成禮諧
樂暢劇戟亡鑄江海無波皇帝體膺上哲運鍾下武以至德字黔
首大明臨赤縣深仁俯漏惠化潛通榮鏡六幽照蘇八表唐旌已
立芻輿不遠而至殷網既開肖翹咸遂其所壇凝休氣渚幕榮光

玄扈符翠琰啟錄阿閣朝誼棘林夜靜西瑄協律南嶽迎神衣
氣操龜之俗懷音請吏反踵修之渠膜拜空首四海懾然中外
禔福慰侯無警書執大同猶以爲負哀垂旒人世微業功成治定
域中小道投心覺海東意玄門手執明珠頂文甘露調御天人不
狗巖廊之重明行貝足寧屑喪冕之尊十力四心東漸西被日月
出矣風雨潤之屠門鮑肆化成嚴淨之所蜂蟬蟪蛄網于仁壽之
域參墟奧壤王迹所基密都是宅別館攸在襟帶遐長原陸蕤秀
高巖鬱起作鎮東偏峰羅群玉鷲頭之狀非美樹列三珠雞足之
形可陋洞穴條風生和雅之由圓珠積水流清妙之音于時玉燭

調年金商在律職方具禮効駕西巡六龍齊轡七萃按部雷動星
移凝鑿佇蹕乃建仁祠于彼勝地成之不日既麗且康昔周夜初
明漢池云鑿事隔荒裔道若存亡哲王馭曆弘濟區宇前聖後聖
旦暮爲期以此勝因仰爲武成皇帝及清廟聖靈願西遇彌陀上
征兜率雄視三界高臨四衢百年之神俯輕群后一音所導遠同
佛日皇太后福踰姜水祉邁塗山壽比太陰業均厚載聖主齊明
兩曜合德二儀受錄銷于靈河開金簡于仙嶽龍官鳥紀未可匹
其光大象天任地焉能喻其長久皇太子德茂元良道高上嗣牢
籠啓誦孕育莊丕六宮眷屬諸王昆弟皆智慧莊嚴王華松茂永

侍皮香長固磐石以茲博利被于萬品當使法界虛空生靈動植
俱沐定水同陰法雲斯誓或差無取正覺

宗廟祝嘏辭

蔡中郎

嗣曾孫皇帝某敢昭告于皇祖高皇帝各以右配昔受命京師都
于長安享國十有一世歷年二百一十載遭王莽之亂宗廟隳壞
世祖復帝祚遷都洛陽以服土中享國一十一世歷年一百六十
五載予末小子遭家不造早統洪業奉嗣無疆關東吏民敢行稱
亂總連州縣擁兵聚衆以圖叛逆震驚王師命將征服股肱大臣
推皇天之命以已行之事遷都舊京昔周德缺而斯干作應運變

通自古有之於是乃以三月丁亥來自雒越三月丁巳至於長安
飭躬不慎寢疾旬日賴祖宗之靈以獲有瘳吉日齊宿敢用潔牲
一元大武柔毛剛鬣商祭明視薈合嘉蔬香其馘醴豐本明梁醴
酒用告遷來尚饗

蕭太傅東耕祝文

江醴陵

敬祝先稽曰攝提方春黍稷未華灼爍發雲昭耀開霞地煦景暖
山艷水波側聞農政實惟民天競和獻歲務畎上年有滄疏潤興
雨尊泉崇耕巡索均逸共勞命彼倌人稅于青臯羽旗銜旌雄戟
耀毫呈典緇耦獻禮翠壇宜民且稼克降祈年願靈之降解珮停

鑿神之行兮氣爲較神之坐兮煙爲蓋使嘉穀與玄鬯永爭光而
無沫哉

瓜步山揭文

鮑參軍

歲舍龍紀月巡鳥張鮑子辭吳客楚指充歸揚道出關津升高問
途北眺瓊鄉南曬炎國分風代川揆氣閩澤四睨天宮窮曜星
東窺海門候景落日游精八表馭視四遐超然永念意類交橫信
哉古人有數寸之簷持千鈞之關非有其才施處勢要也瓜步山
者亦江中眇小山也徒以因迥爲高據絕作雄而凌清瞰遠擅奇
含秀是亦居勢使之然也故才之多少不如勢之多少遠矣仰望

穿垂俯視地域涕洟江河瘧贅丘嶽雖奮風漂石驚電剗山地綸
維陷川鬪毀宮毫盈髮虛曾未注言況乎沉河浮海之高遺金堆
壁之竒四遷八聘之策三黜五逐之疵販交買名之薄吮癰舐痔
之卑安足議其是非

嘲褚常侍文

陸清河

六年正月以臨川府丞褚爲常侍君子謂吳於是乎能官人官人
國之所廢興也古之興王唯賢是與呂望漁釣而周王枉駕甯戚
叩角而齊王志寐委斯徒而縻好爵釋短褐而服龍章姬姜之族
非無人也親昵之愛非無懷也取彼庸賤之徒登之佐臣之列故

九賢翼世而有命既集五子佐時匡霸以濟夫唯能官人之所由
也褚代大夫之常佐遠邦之賤司才則邵矣官實陋矣而拔出群
萃超昇階闈雖文王登師桓公取佐亦何以加之詩曰濟濟多士
文王以寧言官人得才也褚常侍聞之喜曰君子之言豈虛也哉
吾得此足矣君子謂褚常侍於是乎不謙謙也者致敬以存其位
者也謙之不存德無柄矣世之治也君子自以爲不足故樽節以
求役於禮敬讓以求安於仁世之亂也在位者自以爲有餘故爵
豐而求更厚位隆而欲復廣世之治亂恒由此作今褚侯蟬蛻槁
木鵲鳴玉堂不庶幾夙夜允集衆譽而意克於一善心盈於自足

足則無求盈則無戒不求則善遠之無戒則惡來之亦何以為君
子哉詩云戰戰兢兢如臨深淵慎之至也楮常侍聞是言也懼謂
之昌言也而拜之君子曰諸侯其幾矣聞善而喜過又應之懼嘉
服義之賢而拜謹言之辱規同禹迹義均罪已君子哉吳無君子
斯焉取斯

冠子祝文

沈隱侯

蠲茲今日元服肇加成德既舉童心自化行之則至無謂道賒敦
以秋實食以春華無耻下問乃致高車子孫千億廣樹厥家

為齊竟陵王發講疏并頌

大矣哉妙覺之為妙也無相非色空不可極而立言垂訓以汲引
為方慈波慧水雖可溉而莫知其源者也靈篇寶籍遠探龍藏蓋
無得而言焉至於義指天山之表文隱交河之外又非斷等所能
笑也逮于祇樹菴園之妙吼四諦一乘之正說重譯而通中土莫
不恒沙之一焉而詞源海廣理塗壘與雖字流附響萬軫同起分
條散葉離文拆句未或暨其萬一也竟陵王殿下神超上地道冠
生知樹寶業於冥津凝正解於冲念若夫方等之靈邃甘露之深
玄莫有不遊其塗而啓其室也秘藏之被東國者靡不畢集皆繕
以寶練文以麗篆凝光瓊筭炫彩瑤騰思欲敷震微言昭感未悟

乃以永明元年二月八日置講席於上仰集名僧於帝畿皆深辨
真俗洞測名相分微靡滯臨疑若曉同集於仰內之法雲精廬演
玄音於六霄啓法門於千載濟濟乎實曠代之盛事也自法王已
降暨於聽僧條載如左以記其事焉乃作頌曰
十號神寂三達空玄迹由聖隱教以慈宣氤氳緒法昭晰遺空標
聲妙住騰華寶蓮文摘龍藏義溢中天惟王稟照道冠增璿星羅
寶幄雲開梵筵思馳春馬理折秋蟬靈場絢彩正水興蓮乘茲上
果永導芳緣

爲齊竟陵王解講疏

夫憑禪化必由委氣之途因方尊理必同肖天之質是以表靈
邃瑞誕聖王宮駐彩辰締停華日月故能積慈成聖累妙成空坦
照路于道揚拔迷根于苦岸弟子蕭子良滌盥煩襟栖情正業肅
萃僧英敬敷慧典密藏奧文雲開雨散今魄首丹達日弦上朔止
步凝想空明屬念雖神迹稍緬而遺塵在茲乃飾筵藻殿張帷盛
仰潔誠祇事建斯寶集蘭泉波涌芳藹雲迴秘理探微玄况悠邈
宗條既舉窮功允就論堂卷座義鼓停音乘此芳緣將升上住十
方三世有證無爽

難蜀父老文

司馬文園

漢興七十有八載德茂存乎六世威武紛紜湛恩汪濊群生澍濡
洋溢乎方外於是乃命使西征隨流而攘風之所被罔不披靡因
朝冉從駘定符存邛畧斯揄舉蒲苞結軌還轅東鄉將報至于蜀
都耆老大夫縉紳先生之徒二十有七人儼然造焉辭畢進曰蓋
聞天子之于夷狄也其義羈靡勿絕而已今罷三都之士通夜郎
之塗三年于茲而功不竟士卒勞倦萬民不贍今又接之以西夷
百姓力屈恐不能卒業此亦使者之累也竊為左右患之且夫邛
笮西僰之與中國並也歷年茲多不可記已仁者不以德來強者

不以力并意者其殆不可乎今割齊民以附夷狄弊所恃以事無
用鄙人固陋不識所謂使者曰烏謂此乎必若所云則是蜀不變
服而已不變化也僕尚惡聞若說然斯事體大固非觀者之所觀
也余之行急其詳不可得聞已請為大夫粗陳其畧蓋世必有非
常之人然後有非常之事有非常之事然後有非常之功非常者
固常人之所異也故曰非常之原黎民惧焉及臻厥成天下宴如
也昔者洪水沸出汜濫衍溢民人升降移徙崎嶇而不安夏后氏
臧之乃堙洪塞源決江疏河漉沅澹蓄東歸之于海而天下永寧
當斯之勤豈惟民哉心煩于慮而身親其勞躬儼胼胝無版膚不

生毛故休烈顯乎無窮穀稱浹乎于茲且夫賢君之踐位也豈特
委瑣喔躡拘文牽俗循誦習傳當世取說云爾哉必將崇論閎議
創業垂統為萬世規故馳騫乎兼容并包而勤思乎參天貳地且
詩不云乎普天之下莫非天土率土之濱莫非王臣是以六合之
內八方之外浸溥衍溢懷生之物有不浸潤于澤者賢君恥之今
封疆之內冠帶之倫咸獲嘉祉靡有闕遺矣而夷狄殊俗之國遠
絕異党之域舟車不通人跡罕至政教未加流風猶微內之則犯
義侵禮于邊境外之則邪行橫作放殺其上君臣易位尊卑失叙
父兄不辜幼孤為奴虜係縲號泣內鄉而怨曰蓋聞中國有至仁

焉德洋洋恩普物靡不得其所今獨曷為遺已舉踵思慕若枯旱之望雨盍夫為之垂涕况乎上聖又烏能已故北出師以討強胡南馳使以誚勁越四面風德二方之君鱗集仰流願得受號者以億計故乃闕沫若徵牂牁鏤靈山梁孫原創道德之途垂仁義之統將博恩廣施遠撫長駕使疏迤不閉胷爽闇昧得耀乎光明以偃甲兵于此而息討伐于彼遐邇一體中外禔福不亦康乎夫拯民于沉溺奉至尊之休德反衰世之凌夷繼周氏之絕業天子之急務也百姓雖勞又烏可以已哉且夫王者固未有不始于憂勤而終于佚樂者也然則受命之符合在于此方將增太山之封加梁

父之事鳴和鸞揚樂頌上咸五下登三觀者未覩指聽者未聞音猶鷓鴣已翔乎寥廓而羅者猶視乎藪澤悲夫于是諸大夫茫然喪其所懷來而失厥所以進喟然並稱曰元哉漢德此鄙人之所願聞也百姓雖勞請以身先之敞固靡從遷延而辭退

答客難

東方大中

客難東方朔曰蘇秦張儀一當萬乘之主而都卿相之位澤及後世今子大夫脩先王之術慕聖人之義諷誦詩書百家之言不可勝數著于竹帛唇腐齒落服膺而不釋好學樂道之效明白甚矣自以智能海內無雙則可謂博聞辨智矣然悉力盡忠以事聖帝

曠日持久官不過侍郎位不過執戟意者尚有遺行耶同胞之徒
無所容居其故何也東方先生喟然長息仰而應之曰是故非子
之所能備也彼一時也此一時也豈可同哉夫蘓秦張儀之時周室
大壞諸侯不朝力政爭權相禽以兵并為十二國未有雄雌得士
者強失士者亡故談說行焉身處尊位珍寶充內外有倉廩澤及
後世子孫長享今則不然聖帝流德天下震懾諸侯賓服威震四
夷連四海之外以為帶安于覆盂天下均平合為一家動發舉事
猶運之掌賢不肖何以異哉遵天之道順地之理物無不得其所
故綏之則安動之則苦尊之則為將卑之則為虜抗之則在青雲

之上抑之則在深泉之下用之則為虎不用則為鼠雖欲盡節效
情安知前後夫天地之大士民之衆竭精談說並進輻輳者不可
勝數悉力慕之困于衣食或失門戶使蘇秦張儀與僕並生于今
之世曾不得掌故安敢望常侍郎乎傳曰天下無害蓄雖有聖人
無所施才上下和同雖有賢者無所立功故曰時異事異雖然安
可以不務脩身乎哉詩云鼓鐘于宮報聞于外鶴鳴于九臯報聞
于天苟能脩身何患不榮太公體行仁義七十有二乃設用于文
武得信厥說封于齊九百歲而不絕此士所以日夜孳孳敏行而
不敢怠也辟若鷓鴣飛且鳴矣傳曰天不為人之惡寒而輟其冬

地不為人之惡險而輟其廣君子不為小人之白而輟其行天
有常度地有常形君子有常行君子道其常小人計其功詩云禮
義之不愆何恤人之言故曰水至清則無魚人至察則無徒冕而
前旒所以蔽明黈纁克耳所以塞聰明有所不見聰有所不聞舉
大德赦小過無求備于一人之義也枉而直之使自得之優而柔
之使自求之揆而度之使自索之蓋聖人之教化如此欲其自得
之自得之則敏且廣矣今世之處士時雖不用魁然無徒廓然獨
居上觀許由下察接輿計同范蠡忠合子胥天下和平與義相扶
寡耦必徒固其宜也子何疑于我哉若夫燕之用樂毅秦之任李

斯鄰食其之下齊說行如流曲從如環所欲必得功若丘山海內
定國家安是遇其時也子又何邪之耶語曰以冕闚天以蠡測海
以莛撞鐘豈能通其條貫考其文理發其音聲哉由是觀之譬猶
賭駒之襲狗孤豚之咋虎至則靡耳何功之有今以下愚而非處
士雖欲勿困固不得已此適以明其不知權變而終惑于大道也

解嘲

楊侍郎

客嘲楊子曰吾聞上世之士人綱人紀不生則已生則上尊人君
下榮父母析人之圭儋人之爵懷人之符分人之祿紆青拖紫朱
丹其轂今子幸得遭明聖之世不諱之朝與群賢同行歷門上

王堂有日矣曾不能畫一竒出一策上說人主下談公卿目如耀
金舌如電光壹從壹衡論者莫當頽然而作太玄五千文枝葉扶
踈獨說十餘萬言深者入黃泉高者出蒼天大者含元氣纖者入
無倫然而位不過侍郎擢說給事黃門意者玄得毋尚白乎何為
官之拓落也揚子笑而應之曰客徒欲朱丹吾轂不知一跌將赤
吾之族也往者周網解結群鹿爭逸離為十二合為六七四分五
剖並為戰國士無常君國亡定臣得士者富失士者貧矯翼厲翮
恣意所存故士或自盛以橐或鑿坏以道是故鄒衍以頽亢而取
世資孟軻雖連蹇猶為萬乘師今大漢右東海右渠搜前番馬後

陶塗東南一尉西北一侯薇以糾墨製以鎖鉄散以禮樂風以詩
書曠以歲月結以倚廬天下之士雷動風合魚鱗襍襲咸營于八
區家：自以為禹稷人人自以為咎繇戴縱岳纓而談者皆擬于
阿衡五尺童子羞比晏嬰與夷吾當途者入青雲失路者委溝渠
旦握權則為卿相夕失勢則為匹夫譬若江湖之涯渤澥之島乘
雁集不為之多雙鳧飛不為之少昔三仁去而殷墟二老歸而周
熾子胥死而吳亡種蠡存而粵伯五殺入而秦喜樂毅出而燕懼
范雎以折摺而危穰侯蔡澤以噤吟而笑唐舉故當其有事也非
蕭曹子房平勃樊霍則不能安當其亡事也章句之徒相生而守

之亦亡所患故世亂則聖哲馳騫而不足世治則庸夫高枕而有
餘夫上世之士或解縛而相或釋褐而傳或倚夷門而笑或橫江
潭而漁或七十說而不遇或立談間而封侯或枉千乘于陋巷或
擁帚箠而先驅是以士頗得信其舌而奮其筆空隙蹈瑕而無所
訕也當今縣令不請士郡守不迎師群卿不揖客將相不俛眉言
奇者見疑行殊者得辟是以欲談者卷舌而固毅欲行者擬足而
投迹向使上世之士處辱今世策非甲科行非孝廉舉非方正獨
可抗疏時道是非高得待詔下觸聞罷又安得青紫且吾聞之炎
炎者滅隆者絕觀雷觀火為盈為實天收其斂地藏其熱高明

之家鬼瞰其室攫挈者亡默者存位極者宗危自守者身全是
故知玄知默守道之極爰清爰靜游神之廷惟寂惟冥守德之宅
世異事變人道不殊彼我易時未知何如今子乃以鷓鴣而笑鳳
凰執蠅蚋而嘲龜龍不亦病乎子徒笑我玄之尚白吾亦笑子之
病甚不遭史跖與扁鵲也悲夫客曰然則靡玄無所成名乎范蔡
以下何必玄哉楊子曰范睢魏之亡命也折脅拉髀免于穢索翕
肩蹈背扶服八索激邛萬乘之主界涇陽抵襍侯而代之當也蔡
澤山東之匹夫也頽頽折頸涕洟流沫西揖彊秦之相搯其咽而
亢其氣拊其背而奪其位時也天下已定金草已平都于雒陽委

敬委輅脫鞅掉三寸之舌建不拔之策舉中國徙之長安適也五
帝垂典三王傳禮百世不易叔孫通起于枹鼓之間解里投戈遂
作君臣之儀得也甫刑靡散秦法酷烈聖漢權制而蕭何造律宜
也故有造蕭何律于唐虞之世則諄矣有作叔孫通于夏殷之世
則惑矣有建委敬之策于成周之世則繆矣有談范蔡之說于金
張許史之間則狂矣夫蕭規曹隨留侯畫策陳平出奇功若泰山
響若阡隕惟其人之瞻知哉亦會其時之可為也故為可為于可
為之時則從為不可為于不可為之時則凶夫蘭先生收功于章
臺四皓采榮于南山公孫創業于金馬驃騎發迹于連新司馬長

卿竊嘗于卓氏東方朔割名于細君僕誠不能與此教子者並故
默然獨守吾太玄

解難

客難揚子曰凡著書者為衆人之所好也美味期于合口工穀調
于此耳今吾子乃抗詞幽說闕意耿指獨馳騁于有亡之際而陶
治大壚旁薄群生歷覽者茲年矣而殊不寤竄費精神于此而煩
學者于彼譬畫者畫于無形弦者放于無轂殆不可乎揚子曰余
若夫閔言崇議幽微之途蓋難與覽者同也昔人有觀象于天視
度于地察法于人者天麗且彌地普而深昔人之詞乃至乃金豈

好為艱難哉執不得已也獨不見夫翠蚪蜂螭之將登乎天必聳
身于蒼鷹之淵不階浮雲翼疾風虛舉而上升則不能搥膠葛騰
九閼日月之經不千里則不能燭六合耀八紘泰山之高不嶢峴
則不能淳滂雲而散歆蒸是以宓犧氏之作易也綿絡天地經以
八卦文王附六爻孔子錯其象而彙其詞然後發天地之藏定萬
物之基典謨之篇雅頌之教不溫純深潤則足以揚鴻烈而章
緝熙蓋昏靡為宰寂寞為尸大味必淡大音必希大語叫二大道
低回是以教之眇者不可同于衆人之耳形之美者不可混于世
俗之目詞之衍者不可齊于庸人之聽今夫絃者高張急徽追趨

逐者則坐者不期而附矣試為之施咸池榆六莖發蕭韶詠九成
則莫有和也是故鍾期死伯牙絕絃破琴而不肯與衆鼓獲人死
則匠石斲斤而不敢妄斲師曠之調鐘竇知音者之在後也孔子
作春秋幾君子之前睹也老聃有遺言貴知我者希此非其搯也
與

答賓戲有叙

班蘭臺

永平中為郎典較祕書專篤志于儒學以著述為業或訊以無功
又感東方朔揚雄自喻以不遭蘇張范蔡之時曾不折之以正道
明君子之所守故聊復應焉其詞曰

賓戲主人曰蓋聞聖人有一定之論烈士有不易之分亦云名而已矣故上太有立德其次有立功夫德不得後身而特盛功不得背時而獨彰是以聖喆之治棲之遑之孔席不暎墨突不黔由此言之取舍者昔人之上務著述者前烈之餘事耳今吾子幸游帝王之世躬帶紱冕之服浮英華湛道德譬虎龍之文舊矣卒不能據首尾奮翼鱗振拔滂途跨騰風雲使見之者影駭聞之者響震徒樂枕經籍書紆體衡門上無所帶下無所根獨據意乎宇宙之外銳思于毫芒之內潛神默記緼以年歲然而噐不賈于當已用不效于一世雖馳辨如波濤摘藻如春華猶無益于殿最也意者

且運朝夕之策定合會之計使存有顯號亡有美謚不亦優乎主人道爾而笑曰若賓之言所謂見世利之華聞道德之實守變與之熒燭未仰天廷而覩白日也曩者王塗蕪穢周失其馭侯伯方軌戰國橫騫於是七雄虺闕分裂諸夏龍戰虎爭游說之士風馳電激並起而救之其餘焱飛景附霄煜其間者蓋不可勝載當此之時搗朽磨銳鉉刀皆能一斷是故魯連飛一矢而蹶千金虞相以頽盼而捐相印夫啾發投曲感耳之毅合之律度淫羈而不可聽者無韶夏之樂也回勢合變偶時之會風移俗易乘迂而不可通者非君子之法也及至從人合之衡人散之亡命漂說羈旅聘

辭商鞅挾三術以鑽孝公李斯奮時務而要始皇彼皆躡風塵之
會履顛沛之勢據微乘邪以求一日之富貴朝為榮華夕為顛頓
福不盈皆禍溢于世凶人且以自悔况吉人而是賴乎且功不可
以虛成名不可以偽立韓設辨以激君呂行詐以賈國說難既適
其身乃囚秦貨既貴厥宗亦墜是以仲尼抗浮雲之志孟軻養浩
然之氣彼豈樂為迂濶哉道不可以貳也方當大漢洒掃群穢夷
險芟荒廓帝紘恢皇綱基隆于羲農規廣于皇唐其君天下也矣
之如日威之如神函之如海養之如春是以六合之內莫不同源
共流沐浴玄德稟仰太和枝附葉著譬猶草木之植山林鳥魚之

毓川澤得氣者蕃滋失時者零落參天地而施化豈云人事之厚
薄哉今吾子處皇代而論戰國曜所聞而疑所覲欲從整敷而度
高乎泰山懷汎濫而測深乎重淵亦至也賓曰若夫鞅斯之倫衰
周之凶人既聞命矣敢問上古之世處身行道輔世成名可述于
後者默而已乎主人曰何為其然也昔咎繇謨虞箕子訪周言通帝
王謀合神聖殷說夢發于傳巖周望兆動于渭濱齊寧激轂于康
衢漢良受書于邳垠皆俟命而神交匪詞言之所信故能建必然
之策展無窮之勳也近者陸子優游新語以興董生下帷發蒸儒
林劉向司籍辨章舊聞揚雄譚思法言太玄皆及時君之門闈究

先聖之壺奧娑娑乎術藝之場休息乎篇籍之圃以全其質而發其文用納乎聖德烈炳乎後人斯非其亞歟若乃伯夷抗行于首陽柳惠降志以辱仕顏潛樂于瓢簞孔終篇于西狩穀盈塞于天淵真吾徒之師表也且吾聞之一陰一陽天地之方乃文乃質王道之綱有同有異聖哲之常故曰慎脩所思守爾天符委命供已味道之腴神之聽之名其舍諸賓又不聞和氏之璧韞于荆山隋侯之珠藏于蚌蛤乎歷世莫眠不知其將含景曜吐英精曠千載而流光也應龍潛于潢汙魚鼈媒之不覩其能奮靈德合風雲起忽荒而蹶昊蒼也故夫泥蟠而天飛者應龍之神也先賤而後貴

者隋和之珍也時暗而文章者君子之真也若乃牙曠清耳于管絃離婁眇目于毫分逢蒙絕技于弧矢般輸推巧于斧斤良樂軼能于相馭烏獲抗力于千鈞和鵲發精于鍼石研桑心計于無垠走亦不任厠技于彼列故密爾自娛于斯文

達旨

崔

駟

或說已曰易稱備物致用可觀而有所合故能扶陽以出順陰而入春發其華秋收其實有始有極爰登其質今子韞櫝六經服膺道術歷世而游高談有日俯鈞深于重淵仰探遠乎九乾窮至曠于幽微測潛隱之無源然下不步鄉相之廷上不登王公之門進

不党以讚已退不黜于庸人獨師友道德合符曩真抱景特立與
士不群益高樹靡陰獨木不林隨時之宜道存貴凡于時太上運
天德以君世憲王僚而布官臨雍泮以恢儒疏軒冕以崇賢率惇
德以厲忠孝揚茂化以砥仁義選利器于良材求鑄鄒于明智不
以此時攀台階闕紫撻據高軒望朱闕夫欲千里而咫尺未發蒙
窈惑焉故英人乘斯時也猶逸禽之赴深林蝨蚋之趨大沛胡為
嘿々而久沉滯也答曰有是言乎子苟欲勉我以世路不知其跌
而失吾之度也古者陰陽始分天地初制皇綱亡緒帝紀乃設傳
叙歷數三代興滅昔大庭尚矣赫胥罔識淳樸散離人物錯乖高

辛攸降厥趣各違道無常稽與世張弛失仁為非得義為是君子
通變各審所履故士或掩目而淵潛或盪耳而山棲或草耕而僅
飽或木茹而長飢或重聘而不來或屢黜而不去或冒詢以干進
或望色而斯舉或以役夫發夢于王公或以漁夫見兆于元龜若
夫縷紛塞路凶虐播流人有昏墊之厄主有疇咨之憂條垂藟蔓
上下相求于是乎賢人授手援世之災跋涉赴俗急斯時也昔堯
含憾而臯陶謨高祖嘆而子房慮禍不散而曹絳奮結不解而陳
平權及其策合道從克亂弭衝乃將鏤玄珪冊顯功銘昆吾之冶
勒景襄之鍾與其有事則蹇裳濡足冠挂不顧人溺不拯則非仁

也當其無事則躡纓整襟規矩其步德讓不脩則非忠也是以險
則救俗平則守禮舉以公心不私其体今聖上之育斯人也樸以
皇貞雕以唐文六合怡之比屋為仁一天下之衆異齊品類之萬
殊參差同量坏冶一陶群生得理庶績其凝家之有以樂和人人
有以自優威械藏而俎豆布六典陳而九刑厝濟茲兆庶出于平
易之路雖有力牧之畧尚父之厲伊臯不論奚事范蔡夫廣厦成
而茂木暢遠求存而良馬繫陰事終而水宿藏場功畢而大火入
方斯之時處士山積學者川流衣裳被宇冠蓋雲浮譬猶衡陽之
林岱陰之麓伐尋抱不為之稀執拱把不為之數悠之困極亦各

有得彼採其華我取其實舍之則藏已所學也故進動以道則不
辭執珪而秉柱國復靜以理則甘糟糠而安藜藿夫君子非不欲
仕也耻夸毗以求舉非不欲室也惡登墻而樓處叫呼衙鬻縣旌
自表非隨和之寶也暴智耀世因以干祿也游不倫党苟以狗已
汗血競時利合而友子笑我之沉滯我亦病子屑之而不已也先
人有則而我弗虧行有枉徑而我弗隨臧否在予唯世所議固將
因天質之自然誦上哲之高訓詠太平之清風行天下之至順懼
吾躬之穢德勤百畝之不耘繫余馬以安行俟性命之所存昔孔
子起威于夾谷晏嬰發勇于崔杼曹劌舉節于柯盟卞巖克捷于

彊禦范蠡錯孰于會稽伍員樹功于柏舉魯連辭言以退燕包胥
卓詞而存楚唐且華顛以悟秦甘羅童牙而報趙原襄見廉于壺
飡宜孟收德于束脯吳札結信于立木展季効貞于門女顏回明
仁于度轂程嬰顯義于趙武僕誠不能編德于數者竊慕古人之
所存

應問有叙附後

張河間

有問予者曰蓋聞前哲首務于下學上達佐國理民有云為也
朝有所聞則夕行之立功立事式昭德音是故伊尹思使君為堯
舜而民處唐虞彼豈虛言而已哉必旌厥素爾咎單巫咸實守王

家申伯樊仲實幹周邦服袞而朝介圭作瑞厥跡不朽岳烈後昆
不亦丕欵且學非以要利而富貴萃之貴以行令富以施惠惠施
令行故易稱以大業墳以文美實由華興器賴雕飾為好人以興
服為榮吾子性德体道篤信安仁約已博執無堅不鑽以思世路
斯何遠也曩滯日官今又原之雖老氏曲全進道若退然行亦以
需必也學非所用術有所仰故臨川將濟而舟楫不存焉徒經思
天衢內昭獨智固合理民之式也故嘗見謗于鄙儒深厲淺揭隨
時為義曾何貪于支離而習其孤技耶參輪可使自轉木雕猶能
獨飛垂翅而還故棲蓋亦調其机而話諸昔有文王自求多福人

生在勤不索何獲冒若卑体屈已美言以相尅鳴于喬木乃金鼓
而王振之用後勲雪前吝婢恨不柔以意誰斲也應之曰是何觀
同而見異也君子不患位之不尊而患德之不崇不耻祿之不夥
而耻智之不博是故執可學而行可力也天爵高懸得之在命或
不速而自懷或羨旃而不臻求之無益故智者偈而不思跖身以
微幸固貪夫之所為未得而豫喪也枉尺直尋議者訕之盈欲虧
志孰云非羞于心有猜則簋殮饌舖猶不屑餐旌督以之意之無
疑則兼金盈百而不嫌辭孟軻以之士或解袒褐而襲黼黻或委
重築而據文軒者度德拜爵量績受祿也輸力致庸受必有階渾

元初基靈軌未紀吉凶分錯人用腫脹黃帝為斯深憐有風后者
是焉亮之察三辰于上跡禍福于下經緯歷數然後天步有常則
風后之為也當少昊清陽之末實或亂德人神禠擾不可方物重
黎又相嶺項而申理之日月即次則重黎之為人各有能因執
受任鳥師別名四叔三正官無二業事不並濟晝長則宵短日南
則景北天且不堪兼况以人諫之夫玄龍迎夏則陵雲而奮鱗樂
時也涉冬則泓泥而潛蟠避害也公旦行道故制典禮以尹天下
惧教誨之不從有人之不理仲尼不遇故論六經以俟來辟耻一
物之不知有事之無範所考不齊如何可一夫戰國交爭戎車競

馳君若綴旒人無所鹿燭武懸絕而秦伯退師魯連係箭而聊城
弛柝從往則合橫來則離安危無常要在說夫咸以得入為臬失
士為尤故樊噲披帷入見高祖高祖踞洗以對酈生當此之時乃
奮鳴而鼈應也故能同心戮力勤恤人隱奄受區夏遂定帝位皆
謀臣之由也故一介之策各有攸建子長謀之爛然有第夫女魁
北而應龍翔洪鼎穀而軍容息溽暑至而鷄毛棲寒冰沍而鼈鼉
蟄今也皇澤宣洽海外混同萬方億醜并質共濟若脩成之不暇
尚何功之可立：事有三言為下列下列且不可廢矣奚冀其二
哉于茲縉紳如雲儒士成林及津者風據失途者幽僻遭遇難要

趨偶為幸世易俗異事執糾殊不能通其變而一度以揆之斯契
船而求劍守株而伺兔也冒愧逞願必無仁以繼之有道者所不
履也越王勾踐事此故厥緒不永捷徑邪至我不忍以投步于進
苟容我不忍以歛肩雖有犀舟勁楫猶人涉邛否有湏者也姑亦
奉頌敦篤守以忠信得之不休不獲不吝不見是而不惰居下位
而不憂久上德之常服焉方將師天老而友地典與之乎高晬而
大談孔甲且不足慕焉稱殷彭及周聃與世殊技固孤是求子憂
朱泚曼之無所用吾恨輪扁之無所教也子睹木雕獨飛慙我垂
趨故棲吾感去黿附鷓悲爾笑而後號也斐豹以斃督燔書禮至

以掖國作銘絃高以牛籛退敵墨翟以縈帶全城買高以瑞辭顯
義蘇武以亮節效貞捕以且飛矰逞巧詹何以沈鉤致精奕秋以
碁局取譽王豹以清謳流教僕進不能參名于二立退又不能群
彼教子愍二墳之既頽惜八索之不理庶前訓之可鑽耶朝聽乎
柱史且齟齬而侍價踵顏氏以行止曾不慊夫晉楚敢告誠于知
已

應問叙

命難求因茲以露予誠焉名之間應云

釋誨

蔡中郎

有務世公子誨于華顛胡老曰蓋聞聖人之大寶曰位故以仁守
位以財聚人然則有位斯貴有財斯富行義違道士之司也故伊
摯有負鼎之術仲尼設執鞭之言寧子有清高之歌百里有拳牛
之事夫如是則聖哲之通趣古人之明志也夫子生清穆之世秉
醇和之靈覃思典籍齟齬六經安貧樂賤與世無營沈精重淵亢
志高真包括無外綜析無形其已久矣曾不能拔萃出群揚方飛
文登天庭序彛倫掃六合之穢慝清宇宙之塵埃連光芒于白日

屬炎氣于景雲時逝歲暮然而無聞小子惑焉是以有云方今聖
上寬明輔弼賢知崇英逸備不墜于地德弘者建宰相而裂土才
羨者荷榮祿而蒙賜盍亦回途要至俯仰取容輯當世之利定不
拔之功榮家宗于此時遺不滅之令蹤夫獨未之思耶何為守彼
而不通此胡老傲然而笑曰若公子所謂觀曖昧之利而忘昭哲
之害專必成之功而忽蹉跌之敗者已公子謾爾歛袂而興曰胡
為其然也胡老曰居吾將釋汝昔自太極君臣始基有羲皇之洪
寧唐虞之至時三代之隆亦自緝熙五伯扶微勤而撫之于斯已
降天網縱人絃施王塗壞太極阨君臣土崩上下瓦解于是智者

聘詐辨者馳說武夫奮畧戰士講銳電駭風馳霧散雲披變詐乖
詭以合時宜或畫一策而縮萬金或談崇朝而錫瑞珪連衡者六
印磊落合從者駢組流離隆貴翕習積富無崖據巧蹈_瑕以忘其危
夫華離蒂而萎條去幹而枯女冶容而淫士背道而辜人毀其滿
神疾其邪始端始萌害漸亦芽連三方穀天是加欲豐其屋乃
鄙其家是故天地否閉聖哲潛形石門守晨沮溺耦耕顏獨抱璞
蘧瑗保生齊人歸樂孔子斯征雍渠驟乘逝而遺輕夫豈傲主而
背國乎道不可以傾也且我聞之日南出而黃鐘應融風動而魚
上冰澌賓統則微陰萌蒹葭蒼而白露凝寒暑相推陰陽代興運

極則化理亂相承今大漢紹陶唐之洪烈盪四海之殘穴隆陰天之高折絕地之基皇道惟融帝猷丕顯泚庶類含甘吮滋檢六合之群品濟之乎雍熙群僚恭已于職司聖主垂拱乎兩楹君臣穆守之以平濟多士端委縉緹鴻漸盈階振鷺充庭譬猶鍾山之玉泗濱之石累珪璧不為之盈桴浮磬不為之索曩者洪源辟而四隩集武功定而干戈戢獫狁攘而吉甫宴城濮捷而晉凱入故當其有事則蓑笠並載擐甲揚鋒不給于務當其無事也則舒紳緩佩鳴玉以步綽有餘裕夫世守閔子誓御之族天隆其祐主豐其祿抱膺從容爵位自從攝瀆理髣餘官委貴其進取也順

傾轉圓不足以喻其便遠巡放展不足以况其易夫有逸群之才人人有優贍之智童子不問疑于老成矇不稽謀于先生心恬淡于守高意無為于持盈聚乎煌莫非華榮明哲泊焉不失所寧狂淫振蕩乃亂其情貪者殉財夸者死權瞻仰此事體躁心煩闇謙盈之効迷損益之數聘駕貽于脩路慕騏驥而增驅卑俯乎外戚之門乞助乎近貴之譽榮顯未副從而顛踣下獲魚胥之辜高受滅家之誅前車已覆襲軌而驚曾不鑒禍以知畏懼予惟悼哉害其若是天高地厚踣而踏之怨豈在明患生不死戰兢兢必慎厥尤且用之則行聖訓也舍之則藏至順也九河盈溢非

一由所防帶甲百萬非一勇所抗今子責匹夫以清宇宙寧可以
水旱而累堯湯乎懼煙炎之燬燔何光芒之敢揚哉且夫地將震
而樞星直井無景則日陰食元首寬則望舒眺侯王肅則日側匿
是以君子推微達著尋端見緒履霜知冰踐露知暑時行則行時
止則止消息盈冲取諸天紀利用遭泰可與處否樂天知命持神
任已群車方奔乎險路安能與之齊軌思危難以自豫故在賤而
不耻方將馳騁乎典籍之崇塗休息乎仁義之淵藪槃旋乎周孔
之庭字揖儒墨而與為友舒之足以光四表收之則莫能知其所
有若乃丁千載之運應神靈之符閭閻闔乘天衢擁華蓋而奉皇

樞納玄策于聖德宣太平于中區計合謀從已之圖也勲績不立
予之辜也龜鳳山翳霧露不除踴濯草萊祇見其愚不我知者將
謂之迂脩業思真棄此焉如靜以俟命不數不渝百歲之後歸乎
其居幸其獲稱天所誘也罕漫而已非已咎也昔伯翳絲轂于鳥
語葛盧辨音于鳴牛董父受氏于豢龍奚仲供德于衡軒任氏興
政于巧工造父登御于驂騮非子享土于善圍狼暉取右于禽囚
弓父畢精于筋角飲飛明勇于赴流壽王創基于格五東方要幸
于談優上官効力于執蓋弘牛據相于運籌僕不能參跡于若人
故抱璞而優游于是公子仰首降階忸怩而避胡老乃揚衡含笑

援琴而歌、曰、練予心、兮、浸太清、滌穢濁、兮、存正靈、和液暢、兮、神氣寧、情志泊、兮、心亭、嗜欲息、兮、無由生、躡宇宙、而遺俗、兮、眇翮翻而獨征、

卜疑集

稽中散

有宏達先生者、恢廓其度、寂寥疏闊、方而不制、廉而不割、超世獨步、懷玉被褐、交不苟合、仕不期達、常以為忠信篤行、直道而行之、可以居九夷、遊八蠻、浮滄海、踐河源、甲兵不足忌、猛獸不為患、是以机心不存、泊然純素、從容縱肆、遺忘好惡、以天道為一指、不識品物之細故也、然而大道既隱、智巧滋繁、世俗膠加、人情萬端、利

之所在、若鳥之追鶯、富為積蠹、貴為聚怨、動者多累、靜者鮮患、爾乃思丘中之隱士、樂川上之執竿也、于是遠思長想、超然自矢、郢人既沒、誰為吾顏、聖人吾不得見、異聞之于數術、乃適大史、貞父之廬而訪之、曰、吾有所疑、願子卜之、貞父乃危坐操著、拂几陳龜、曰、君何以命之、先生曰、吾寧發憤陳誠、諛言帝庭、不屈王公乎、將卑懦委隨、承旨倚靡、為面從乎、寧愷悌弘覆、施而不德乎、將進趣世利、苟容投合乎、寧隱居行義、推至誠乎、將崇飾矯誣、養虛名乎、寧斥逐凶佞、守正不傾、明否臧乎、將傲睨滑稽、挾智任術、為智囊乎、寧與天喬赤松為侶、乎、將進伊摯而友尚父乎、寧隱鱗藏彩、若

淵中之龍乎將舒翼揚轂若雲間之鴻乎寧外化其形內藏其情
屈身隨時陸沉無名雖在人間雖處冥冥乎將激昂為清銳思為
精行與世異心與俗并所在必聞恒營營乎寧寥落間放無所矜
尚彼我為一不爭不讓遊心皓素忽然坐忘追羲農之不及行中
路而惆悵兮將慷慨以為壯感慨以為亮上千千乘下凌將相尊
然其容高自矯抗常如失職懷恨快乎寧聚貨千億擊鐘鼎食
枕藉芬芳婉孌美色乎將苦身竭力剪除荆棘山居谷飲倚巖而
息乎寧如伯奮仲堪二八為偶排擯共鯨令失所乎將如箕山之
夫潁水之父輕賤唐虞而笑大禹乎寧如泰伯之隱德潛讓而不

揚乎將如季札之顯節義為子臧乎寧如老聃之清靜微渺守玄
抱一乎將如莊周之齊物變化洞達而放逸乎寧如夷吾之不宏
束縛而終成伯功乎將如魯連之輕世肆志高談從容乎寧如市
南子之神勇內固山淵其志乎將如毛公蘭生之龍驤虎步慕為
壯士乎此誰得誰失何凶何吉時移俗易好貴慕名臧文不讓位
于柳季公孫不歸美于董生賈誼一當于明主絳灌作色而揚轂
况今千龍並馳萬驥徂征紛紜交競逝若流星敢不惟思謀于老
成哉太史貞父曰吾聞至人相違人不卜若先生者文明在中
見素表璞內不愧心外不負俗交不為利已不謀祿鑒乎古今滌

情蕩欲夫如是呂梁可以遊湯谷可以浴方將觀大鵬于南溟又
何憂于人間之委曲

應訊

陳記室

客有訊予者云聞君子動容周旋無所苟而已矣今主君鍾陰陽
之美總賢聖之風固非世人所能及遭豺狼肆虐社稷隕傾既不
能抗節服義與主存亡而背枉違難擢茲武功獨徒震撲山東剝
落元結疑本朝假拒群奸使已蒙尊沓之謗而他人受討賊之
勲捐功棄力以德取怨今賤文德而貴武勇任權譎而背舊章無
乃非至德之純美而有闕于後人哉主人曰是何言也夫兵之設

亦久矣所以威不軌而懲淫慝也夫申鳴遠父樂羊食子季友鶴
兄周公戮弟猶忍而行之王事所不得已也而况將避諛慝之嫌
棄社稷之難愛輒勞之民忘永康之樂此庸夫猶所不為况有冠
世之士哉昔洪水滔天汎濫中國伯禹躬之過門而不入率萬方
之民致力乎溝洫及至蕭韶九成百獸率舞垂拱無為而天下宴
如夫豈前好勞而後媮樂乎蓋以彼勞求斯逸也夫世治責人以
禮世亂則考人以功斯各一時之宜故有議戰爭之權于清廟之
堂者狂矣陳俎豆之器于城濮之墟者則悖矣是以達人君子必
相時以立功必揆宜以處事孝靈既喪妓官放禍棟臣殘酷宮室

焚火主君乃芟凶族夷惡醜蕩滌朝奸清澄守職也既乃卓為封
蛇幽鴟帝后強以暴國非力所討遣而去之宜也是故天替人和
無思不至用能合師萬首若運諸掌者義也今人主以寬弘為宇
仁義為廬如地之載如天之燾故當其間管籥之蔽則恐民之病
也是以虛心恭已取人之謨闢四門廣諫路貴說言賤巧偽慮不
專行功不擅美咨事若不及求讐恐不聞用能使賢智者盡其策
勇敢者竭其身故舉無遺闕而風烈宿宣也

客傲

郭弘農

客傲郭生曰玉以兼城為寶士以知名為賢明月不妄映蘭葩豈

虛鮮今足下既已拔文秀于叢薈蔭弱根于慶雲陵扶搖而竦翮
揮清瀾以濯鱗而響不徹于九皋價不登乎千金傲岸榮悴之際
頡頏龍魚之間進不為諧隱退不為放言無沈冥之韻而希風乎
巖光徒費思于讚咏摹洞林乎連山尚何名乎夫攀驪龍之髯撫
翠禽之毛者而不得絕霞肆跨天津者未之前聞也郭生粲然而
笑曰鷓鴣不可與論雲翼井蛙難與量海鰲雖然將祛子之感訊
以未悟其可乎乃者地維中絕乾光墜采皇運暫回廓祚淮海龍
德時乘群才雲駭萬若鄧林之會逸翰爛若渤海之納奔濤不煩
喑嗟之訪不假蒲帛之招羈九有之奇駿咸總之于一朝豈惟豐

沛之英、南陽之豪、昆吾挺鋒、驕驕軒髦、杞梓競敷、蘭蕙爭翹、嚶穀
冠于伐木、援類繁乎拔茅、是以水無浪士、噉無幽人、刈蘭不暇、爨
桂不給、安事錯薪乎、且夫窟泉之潛、不思雲、暈熙冰之采、不羨旭
晞、混光耀于埃、藹者亦曷、願滄浪之深、秋陽之映乎、登降紛于九
五、淪湧懸乎龍津、蚓蟻以不才、陸稿、蟻蛇以騰、驚暴鱗、連城之寶
藏于褐、裏三秀、雖豔糜于麝、采香、惡乎芬、賈惡乎在、是以不塵不
冥、不驪不駢、支離其神、蕭悴其形、廢則神王、迹麗而名生、体全
者為犧、至獨者不孤、傲俗不得以自得、默覺者足以涉無、故不恢
心而形遺、不外累而智喪、無巖穴而冥寂、無江湖而放浪、玄悟不

以應机、洞鑿不以昭曠、不物、我、不是、非、志意、非我意、得
意、非我懷、寄群籟乎、無象域、萬殊于一歸、不壽、殤子不夭、彭涓不
壯、秋毫不小、太山、蚊蚋與天地、齊流、蜉蝣與大椿、齒年、無一閤、一
開、西儀之迹、一冲、一溢、懸象之節、渙、沍、期于寒、暑、凋、蔚、要乎春秋
青陽之翠、秀、龍、豹之委、頽、駸、狼之長、暉、玄、陸之短、景、故、臯、壤、為、悲
欣之府、蝴蝶為物化之器矣、夫欣、黎、黃之音者、不顰、螭、蛄之吟、割
青臺之觀者、必閔、帶、索之懽、縱、蹈而詠、採、薺、擁、璧而歎、抱、閔、戰、机
心以外物、不能得意于一絃、悟徃復于嗟歎、安可與言樂天者乎
若乃莊周偃蹇于漆園、老萊婆娑于林窟、巖平澄漠于塵肆、梅貞

隱淪于市卒梁生吟嘯而矯迹焦先混沌而槁杌阮公昏酣而賣
賣傲翟叟逖形以倏忽吾不幾韻于數賢故寂然玩此員策與智

骨

抵疑

夏侯常侍

當路子有疑夏侯湛者而謂之曰吾聞有其才而不遇者時也有
其時而不遇者命也吾子童幼而岐嶷弱冠而著德少而流毅長
而垂名拔萃始立而登宰相之朝揮翼初儀而受卿尹之舉盪典
籍之華談先王之言入閭闔躡丹墀染雕管吐洪輝于當世之務
觸人主之威有效矣而官不過散郎舉不過賢良鳳棲五期龍蟠

六年英耀禿落羽儀摧殘而獨雖容執文蕩貽儒林志不輟著述
之業口不釋雅頌之音徒費精而耗力勞神而苦心此術亦已薄
矣而終莫之辨宜吾子之陸沈也且以言乎才則吾子優矣以言
乎時則子之所與二三公者義則骨肉之固交則明道之觀也富
于德貴于官其所發明雖叩牛捲築之容傭賃抱閔之隸負俗懷
訖之士猶將登為大夫顯為卿尹子何有寶咳唾之音愛錙銖之
力向若岳一鱗回一翼令吾子攀其飛騰之勢挂其羽翼之末猶
奮迅于雲霄之際騰矚于四極之外今乃金口玉音漠然沉默使
吾子棲遲窮巷守此困極心有窮志貌有飢色咨江河之流不以

濯舟船之畔、惜東壁之光、不以寓貧婦之目、抑亦二三公之蔽賢也、實吾子之拙惑也、夏戾子曰、湛也、幸有過人、必知之矣、吾子所以褒飾之大矣、斟酌之喻、非小醜之所堪也、然過承古人之誨、抑因子大夫之忝在敝室、敢布其腹心、豈能隱几以覽其槩乎、客曰、敢祇以聽、夏戾子曰、吾聞先大夫孔聖之言、德之不脩、學之不講、聞義不能從、不善不能改、是吾憂也、四得具而名位不至者、非吾任也、是以君子求諸己、小人求諸人、僕也承門戶之業、受過庭之訓、是以得接冠帶之末、克乎士大夫之列、頗闢六經之文、覽百家之學、弱年而八公朝、蒙蔽而當顯舉、進不能拔、羣出萃却不能抗

排當世、志則乍顯、乍昧、文則乍幽、乍蔚、知之者則謂之欲、道遙以養生、不知之者則謂之欲、違、以求達、此皆未是僕之所賈也、僕又聞世有道、則士無所執、其節黜陟、明則下不得量其力、是以當舉而不辭、入朝而酬問、僕東野之鄙人、頑直之陋生也、不識當世之便、不達朝廷之情、不能倚靡容悅、出入崎傾、逐巧點妍、嘔喁辨佞、隨群班之次、伏簡墨之後、當此之時、若失水之魚、喪家之狗、行不勝衣、言不出口、安能干當世之務、觸人主之威、適足以露狂簡而增塵垢、縱使心有至言、有偏直、此委巷之誠、非朝廷之欲也、今天子以茂德臨天下、以八方六合為四境、海內無虞、萬國玄靜、

九夷之從王化猶洪敷之收清響黎苗之樂函夏若遊形之招惠
景鄉曲之徒一介之士曾諷急就習甲子者皆奮筆墨文議制論
道出草茅起林藪御青瑣入金墉者無日不有充三臺之寺盈中
書之閣有司不能竟其文當世不能編其籍此執政之所厭聞也
若乃群公百辟卿士常伯被朱佩紫耀金帶白坐而論道者又充
路盈寢黃幄玉階之內飽其尺牘矣若僕之言皆糞土之說消磨
灰爛垢辱招穢適可充衛士之爨盈掃除之器譬猶投盈寸之膠
而欲使江海易色燒一羽之毛而欲使大鑪增勢若燎原之烟彌
天之雲噓之不益其熱喻之不減其氣今子見僕入朝對便欲

坐望高位吐言數百便謂陵增一世何吾子之失評也僕固脂以
酒放秣馬以待却反耕于枳落歸志乎渴瀨從容乎農夫優游乎
卒歲矣古者天子畫土以封群后群后受國以臨其邦懸大賞以
樂其成列九伐以討其違興衰相形安危相傾故在位者以求賢
為務受任者以進才為急今也則九州為一家萬國為百郡政有
常道法有恒訓因循而禮樂自定揖讓而天下大順夫道學之貴
游閭邑之縉紳皆高門之子世臣之胤弘風長譽推成而進悠
者皆天下之彥也諷詁訓傳詩書講儒墨說玄虛僕皆不如也二
三公之簡僕于凡庸之肆顯僕于細猥之中則為功也重矣時而

清談則為親也周矣且古之君子不知士則不明不安是以居逸而思危對食而看乾今也則否居位者以善身為靜以寡交為慎以弱斷為重以怯言為信不知士者無公誹不得士者不私愧彼在位者皆稷契咎益伊呂周召之倫叔豹仲熊之儔稽古則踰黃唐經緯則越虞夏蔑昆吾之功嗤桓文之勲抵叔管仲嗟蛇晏嬰其遠則欲升鼎湖近則欲超太平方將保重嗇神獨善其身玄白冲虛乞爾養真雖力挾太山將不舉一羽揚波萬里將不濯一鱗咳唾成珠玉揮袂出風雲豈肯蹴躡鄙事取才進人此又吾子之失言子不獨聞夫神人乎喻風飲露不食五穀登太清游山嶽靡

芝草弄白玉不因而獨脩無假而自足不與人路同嗜欲不與世務齊榮辱故能入無窮之門享不死之年以此言曰何待進賢客曰聖人有言曰邦有道貧且賤焉耻也今子值有道之世當太平之會不攘袂奮氣發謀出奇使鳴鶴受和好爵爾糜柳乃沈身郎署約志勤卑不亦羸哉且伊尹之干成湯甯戚之迂桓公或投已鼎俎或庸身飯牛明廢典之机歌白水之流德入殷王義感齊侯故伊尹起庖厨而登阿衡甯戚出車下而階大夫外無微介內無請謁矯身擢手徑躡名位吾子亦何不慕賢以自厲希古以慷慨乎夏侯子曰嗚呼是何言歟富與貴是人之所欲非僕之所惡也夫

干將之劍、陸斷狗馬、水截蛟龍、而鉛刀不能入泥、騏驥驂騑之乘、
一日而致千里、而駑蹇不能邁、畝百鍊之鑑、別鬚眉之數、而壁土
不見太山、鴻鵠一舉、橫四海之區、出青雲之外、而尺鷃不陵桑榆、
此利鈍之較、優劣之決也。夫欲進其身者、不過千萬乘、而僕已上
朝堂、答世間、不過顯所知、而僕已竭心思、出才學、意無雅正、可準
論、無片言可採、是以頓于鄙劣、而莫之能舉也。以此言之、僕何為
其不自衡哉？子不嫌僕德之不幼、而疑其位之不到、是猶反鏡而
索照、登木而下釣、僕未以此為不肖也。若乃伊尹負鼎、以干湯、呂
尚、隱遊、以徼文、傳說、搯築、以寤主、甯戚、擊角、以要君、此非僕所能

也。莊周、駘蕩、以放言、君平生、卜以自賢、接輿、陽狂、以蔽身、梅福、棄
家、以求仙、又非僕之所安也。若乃季札、抗節于延陵、揚雄、覃思於
太玄、伯玉、和柔于仕懷、柳惠、三紉于士官、僕雖不敏、竊願彷彿其
清塵。

玄居釋

東廣微

東晉間、居門人、並侍方下、帷深譚、隱机而啗、含毫散、蒸考、撰同異、
在側者、進而問之、曰、蓋聞道向變、通達者、無窮、世亂、則救其紛、時
泰、則扶其隆、振天維、以贊百務、熙帝載、而鼓皇風、生則率土、樂其
存、死則字內、哀其終、是以君子、屈已伸道、不耻于時、上國有不索

何獲之言周易著躍以求進之辭莘老負金絃以陳烹割之說齊
客當康衢而咏白水之詩今先生耽道脩藝凝然山峙潛朗通微
洽覽深識夜兼忘寤之勤晝騁鑽玄之思曠年累稔不墮其志鱗
翼成而愈伏術業優而不試乃欲闔匱辭價泥蟠深處永載琳琅
之耀匿首窮魚之渚當唐年而慕長沮邾有道而反甯武識彼迷
此愚竊不取若乃士以援登進必待求附勢之党橫擢則林藪之
彥不抽丹墀步執袴之童東野遺白顛之叟蓋亦因子都而事博
陸憑鷁首以涉洪流蹈翠雲以駭逸龍振光耀以驚沈鱗徒屈蟠
於埴井眇天路而不游學既種而身困夫何為乎秘丘且歲不我

與時若奔駟有來無反難得易失先生不知盱豫之纖悔遲而忘
夫朋盍之義務疾亦豈能登海湄而仰東流之水臨虞泉而招西
歸之日徒以曲畏為桎櫛學自桎囚大道于環堵若形骸于蓬室
豈若託身權戚憑勢假力擇棲芳林飛不待翼夕宿九娥之房朝
享五鼎之食匡三正則太階平贊五教而玉繩直執若茹藿食蔬
終身以履哉東子曰居吾將導爾以君子之道諭爾以出處之事
爾其明受予訊謹聽予志昔元一既啓兩儀肇立離光夜隱望舒
晝戢羽族翔林蠖蛸赴濕物從性之所安士樂志之所執或背豐
榮以巖栖或排蘭闥而求入在野者龍逸在朝者鳳集雖其軌迹

不同而道無貴賤必安其業交而相羨稷契奮庸以宣道巢繇洗
耳以避禪同垂不朽之稱俱入賢者之流參名此譽誰劣誰優何
必貪與二八為群而耻為七人之疇乎且道揆而道士不同趣吾
窮綴處者之末行未敢聞子之高喻將忽蒲輪而不眴夫何權威
之云附哉昔周漢中衰時難自託福兆既開患端亦作朝遊魏我
之宮夕墜呼嘯之壑晝笑夜歎晨華暮落忠不足以衛已禍不可
以預度是士諱登朝而競赴臨薄或毀名自汙或不食其祿比從
政于匣笥之龜譬官者于郊廟之牘公孫泣涕而辭相楊雄抗論
于赤族今大晉熙隆六合寧靜蜂蟄止毒熊態輟猛五刑勿用八

絃脩整主無驕肆之怒臣無髦纓之請上下相安率禮從道朝養
觸邪之獸庭有指佞之草禍戮可以忠逃寵祿可以順保且夫進
無險懼而惟寂之務者率其性也而可俱是而舍彼趣此者從其
志也蓋無為可以解天下之紛淡泊可以救國家之急當位者事
有所窮陳策者言有不入翟璜不能迴西鄰之寇平勃不能正如
意之立干木卧而秦師退四皓起而戚姬泣夫如何舍何執何
去何就謂山岑之林為芳谷底之葦為臭守分任可唯天所授鳥
不假于龜魚不假足于獸何必笑孤竹之貧而齊景之富恥布
衣以肆志寧文裘而拖繡且能約其躬則儋石之糈以豐苟肆其

欲則海陵之積不足存道德者則匹夫之身可榮忘大倫者則萬
乘之主猶辱將研六籍以訓世守寂泊以鎮俗偶鄭老于海隅匹
嚴叟于僻蜀且世以太虛為興玄壇為肆神游莫競之林心存無
營之室榮利不擾其覺殷憂不干其寐捐夸者之所貪收踈務之
所棄雉聖籍之荒蕪摠群言之一至全素履于丘園背纓綉而長
逸請子課吾業于千載無聽吾言之今日也

封禪文

司馬文園

伊上古之初肇自昊穹分生民歷撰列辟以迄于秦率邇者踵武
逖聽者風轂紛紛歲祀堙滅而不稱者不可勝數也緒昭夏崇號

謚畧可通者七十有二君罔若淑而不昌疇逆失而能存軒轅之
前遐哉邈乎其詳不可得聞已五三六經載籍之傳維見可觀也
書曰元首明哉股肱良哉因斯以談君莫盛于堯舜臣莫賢于后
稷后稷創業于唐公劉發跡于西戎文王改制爰周邴隆大行越
成而後陵夷衰微千載無教豈不善始善終哉然無異端慎所由
于前謹遺教于後耳故軌迹夷易之遵也湛恩濛涌易豐也憲度
著明易則也垂統理順易繼也是以業隆于繼緜而崇冠于二后
揆厥所元終都攸卒未有殊尤絕迹可考于今者也然猶躡梁父
登泰山建顯號施尊名大漢之德蕩滂原泉沍滴漫衍旁魄四塞

專雲霧散、上暢九垓、下泝八埏、懷生之類、霑濡浸潤、協氣橫流、武
節飄逝、邇愜游原、迥濶泳沫、首惡湮沒、闇昧昭替、昆蟲凱澤、回首
面內、然後囿騶虞于珍羣、徵麋鹿之怪獸、巢一莖六穗于庖犧、獲
貉共抵之獸、獲周餘珍、放龜于岐、招翠黃乘龍于沼、鬼神接靈囿、
賓于閒館、奇物譎詭、俶儻變窮、欽哉符瑞臻茲、猶以為薄、不敢道
封禪、蓋周躍魚、隕航休之以燎、微夫斯之為符也、以登介丘、不亦
忍乎、進讓之道、其何爽歟、于是大司馬進曰、陛下仁育群生、義征
不德、諸夏樂貢、百蠻執贄、德侔往初、功無與二、休烈浹洽、符瑞衆
變、期應紹至、不特創見、意者泰山梁父、設壇塲、望章益、號以况榮

上帝垂恩、儲祉將以荐成、陛下謙讓而弗發也、絜三神之醴、缺王
道之儀、群生恧焉、或謂且天為殞、闔示珍符、固不可辭、若然、辭之
是泰山靡記、而梁父靡幾也、亦各並時而榮、咸濟厥世、而屈說者
尚何稱于後、而云七十二君乎、夫脩德以錫符、奉符以行事、不為
進越、故聖王弗替、而脩禮地、祇謁款天神、勒功中嶽、以彰至尊、舒
盛德、發榮、號受厚福、以浸黎民也、皇、哉斯事、天下之壯觀、王者
之丕業、不可貶也、願陛下全之、而後因禱、荐紳先生之畧、術使獲
耀日月之末光、絕炎以展采、錯事猶兼、正列其義、被筋厥文、作春
秋一藝、將襲舊六為七、據之無窮、俾萬世得激清流、揚微波、蜚英

穀騰茂寔前聖之所以永保鴻名而常為稱首者用此宜命掌故
悉奏其義而覽焉于是天子沛然改容曰愉乎朕其試哉乃遷思
回慮總公卿之議詢封禪之事詩大澤之博廣符瑞之富乃作頌
曰自我天覆雲之油之甘露時雨厥壤可遊滋液滲漉何生不育
嘉穀六穗我穡何蓄非唯雨之又潤澤之非唯濡之祀專護之萬
物熙之懷而慕思名山顯位望君之來君子君乎侯不邁哉般之
之獸樂戎君囿白項黑章其儀可嘉收之睦之君子之能蓋聞其
穀今觀其來厥途靡蹤天瑞之徵茲亦于舜虞氏以興澤之之麟
遊彼靈時孟冬十月君徂郊祀馳我君與帝以享祉三代之前蓋

未嘗有宛、黃龍興德而升采色炫耀燿炳輝煌正陽顯見覺寤
黎烝于傳載之云受命所乘厥之有章不必諄、依類託寓論以
封巒披茲觀之天人之際已交上下相發允答聖王之德兢、翼
翼也故曰興必慮衰安必思危是以湯武至尊嚴不失肅祇舜在
假典頌省厥遺此之謂也

劇秦美新文有序

楊侍郎

諸吏中散大夫臣雄稽首再拜上封事皇帝陛下臣雄經術淺泊
行能無異數蒙渥恩拔擢倫比與群賢並愧無以稱職臣俯惟陛
下以至聖之德龍興奮庸欽明尚古作民父母為天下主執粹清

之道鏡照四海聽聆風俗博覽廣包參天貳地兼並神明配五帝
冠三王開闢以來未之間也臣誠樂昭著新德光之罔極往時司
馬相如作封禪一篇以彰漢氏之休臣常有顛眊病恐一旦先天
馬填溝壑所懷不章長恨黃泉敢竭肝胆寫腹心作劇秦美新一
篇雖未究萬分之一亦臣之極思也臣雄稽首再拜以聞曰權輿
天地未祛睢、眚、或玄而萌或黃而身玄黃剖判上下相嘔爰
初生民帝王始存在乎混、茫、之時壺聞罕漫而不昭察世莫
得而云也厥有云者上罔顯于羲皇中莫盛于唐虞邇靡著于成
周仲尼不遭用春秋因斯發言神明所祐兆民所托罔不云道德

仁義禮智獨秦崛起西戎邠荒岐雍之疆因襄文宣靈之僭跡立
基孝公茂惠文奮昭莊至政破蹤擅衡并吞六國遂稱乎始皇盛
從鞅儀帝斯之邪政馳騫起翦恬貞之用兵剗滅古文刮語燒書
弛禮崩樂途民耳目遂流欲唐漂虞滌殷蕩周難除仲尼之篇籍
自勒功業改制度軌量咸稽之于秦紀是以耆儒碩老抱其書而
遠遜禮官博士卷其舌而不談來儀之鳥肉角之獸狙獷而不臻
甘露嘉禮景耀浸潭之瑞潛大第經賈巨狄鬼信之妖發神歇靈
繹海水群飛二世而亡何其劇與帝王之道競、乎不可離已夫
能貞而明之者窮祥瑞回而昧之者極妖慝上覽古在昔有憑應

而尚缺焉壞徹而能全故若古者稱堯舜威侮者蹈桀紂况盡汎
埽前聖數千載功業專用已之私而能享祐者哉會漢祖龍騰豐
沛奮迅宛葉自武關與項羽戮力咸陽創業蜀漢發跡三秦克項
山東而帝天下極秦政慘酷尤煩者應時而蠲如儒林刑辟歷紀
圖典之用稍增焉秦餘制度項氏爵號雖違古而猶襲之是以帝
典闕而不補王綱弛而未張道極數殫闇忽不還逮至大新受命
上帝還資后土頌懷玄符靈契黃瑞涌出渾淳沕滴川流海濤雲
動風偃霧集雨散誕彌八圻上陳天庭震敷日景炎光飛響盈塞
天淵之間必有不可辭讓云爾于是乃奉若天命窮寵極崇與天

剖神符地合靈契創億兆規萬世奇偉倜儻譎詭天祭地事其異
物殊怪存乎五威將帥班乎天下者四十有八章登假皇穹鋪衍
下土非新家其疇離之卓哉煌煌真天子之表也若夫白鳩丹鳥
素魚斷蛇方斯蔑矣受命甚易格來甚勤昔帝纘皇王纘帝隨前
踵古或無為而治或損益而亡豈如新室委心積意儲思垂務旁
作穆：明旦不寐勤：懇：者非秦之為與夫不勤：則前人不
當不懇：則覺德不愷是以發秘府覽書林遙集乎文雅之囿翺
翔乎禮樂之場胤殷周之失業紹唐虞之絕風懿律嘉量金科玉
條神卦靈兆古文畢發煥炳照耀靡不宣臻式軫軒旂以示之

揚和鸞肆夏以節之施黼黻衮冕以昭之王嫁娶送終以尊之親
九族淑賢以穆之夫改定神祇上儀也欽脩百祀咸秩也明堂雍
臺壯觀也九廟長壽極孝也制成六經洪業也北懷單于廣德也
若復五爵度三壤經井田免人役方甫刑匡馬法恢崇祇庸燦德
懿和之風廣彼縉紳講習言諫箴誦之塗振鷺之殿充庭鴻鸞之
堂漸階俾前聖之緒布獲流行而不齟齬郁：乎渙哉天人之事
盛矣鬼神之望允塞群公先正罔不夷儀姦寇賊罔不振威紹少
典之苗著黃虞之裔帝典闕者已補王綱弛者已張炳：麟：豈
不懿哉厥被風濡化者京師沈潛甸內匝洽侯衛屬揭要荒濯沐

而術前典巡四民迄四嶽增封泰山禪梁父斯受命者之典業也
蓋受命日不假給或不受命然猶有事矣况堂：有新正丁厥時
崇嶽滄海通瀆之神咸設壇場望命受之臻焉海外遐方信延頸
企踵回面內向喁：如也帝者雖勤惡可以已乎宜命賢哲作帝
典一篇奉三為一襲以示來人擣之罔極令萬世常戴藐：履粟
粟臭馨香含甘實鏡純粹之至精聆清和之正聲則百十伊凝庶
績咸熙荷天衢提地輦斯天下之上則已庶可試哉

典引有序

班蘭臺

臣固言永平十七年臣與賈逵傳毅杜矩展隆郝萌等召詣雲龍

門小黃門趙宣持秦始皇帝本紀問臣等曰太史遷下贊語中寧
有非邪臣對此贊賈誼過秦篇云向使子嬰有庸主之才僅得中
佐秦之社稷未宜絕也此言非是即召臣入問本聞此論非邪將
見問意開寤也臣具對素聞知狀詔問曰司馬遷著書成一家言
揚名後世至以身陷刑之故反微文刺訛貶損當世非誣士也司
馬相如誇行無節但有浮華之詞不周于用至于病疾而遺忠主
上求取其書竟得頌述功德言封禪事忠臣效也至是賢遷遠矣
臣固常伏刻誦聖論昭明好惡不遺微細緣事斷誼動有規矩雖
仲尼之因史見意亦無以加臣固被學最舊受恩浸深誠思畢力

竭情昊天罔極臣固頓首頓首伏惟相如封禪靡而不興揚雄美
新典而不寔然皆游揚後世垂為舊式臣固才朽不及前人蓋詠
雲門者難為音觀隋和者難為珍不勝區區竊作典引一篇雖不
足雍容明盛萬分之一猶啓發憤懣覺悟童蒙光揚大漢軼轂前
代然後退入溝壑死而不朽臣固愚戇頓首頓首曰
太極之元兩儀始分烟燭有沈而奧有浮而清沈浮交錯庶
類混成肇命民生五德初起同於草昧玄混之中踰繩越契寂寥
而亡詔者系不得而輟也厥有氏號紹天闡繹莫不開元于太昊
皇初之首上哉曩乎其書猶可得而脩也亞斯之世通神化函光

而未曜若若上稽乾則降承龍翼而炳諸典謨以冠德卓綽者莫
崇乎陶唐陶唐舍胤而禪有虞有虞亦命夏后稷契熙載越成湯
武股肱既周天廼歸功元首將受漢劉俾其承三季之荒末值亢
龍之災孽懸象闇而恒文垂彛倫敷而舊章缺故先命元聖使輟
學立制量宏洪業表相祖宗贊揚迪哲脩哉榮爛真聖明之式雖
臯夔衡旦密勿之輔比茲褊矣是以高光二聖宸居其域時至氣
動乃龍見淵躍村翼而未舉則威靈紛紜海內雲蒸雷動電燁胡
縊莽分尚不涖其誅然後欽若上下恭輯辟后正位度宗有子德
不台淵穆之讓靡號師矢敷奮搗之容蓋以膺當天之正統受克

讓之歸運蓄炎上之烈精蘊孔佐之弘陳云爾洋：乎若德帝者
之上儀誥誓所不及已鋪觀二代洪纖之度其願可探也並開迹
于一簣同受侯甸之服奕世勤民以方伯統牧乘其命賜彤弧黃
鉞之威用討常頌黎崇之不恪至于參五華夏京遷鎬毫遂自北
面虎螭其師草滅天邑是故誼士華而不敦武稱未盡獲有慚德
不其然與亦猶於穆猗那翕純皦繹以崇嚴祖考殷荐宗配帝發
祥流慶答越天地者焉奕乎千載豈不克自神明哉誕畧有常審
言行于篇籍光藻朗而不渝耳矧夫赫：聖漢巍：唐基泝測其
源乃先孕虞育夏甄殷陶周然後宣二祖之重光襲四宗之緝熙

靈神日照光被六幽仁風翔乎海表威靈行乎鬼區慝亡回而不
泯微胡璫而不曠故夫顯定三才昭登之績匪堯不興鋪聞遺策
在之訓匪漢不弘厥道至于經緯乾坤出入三光外運渾元內靈
豪芒性類循理品物咸亨其已久矣盛哉皇家帝世德臣列辟功
君百王榮鏡宇宙尊亡與亢乃始虔鞏勞謙兢：紫紫貶成抑定
不敢論制作至于選正黜色寶監之事渙揚寓內而禮官儒林屯
用篤誨之士不傳祖宗之髣髴雖乃優慎無乃蕙與于是三事岳
牧之察僉爾而進曰陛下仰監唐典中述祖則俯蹈宗軌躬奉天
經惇睦辨章之化洽巡靖黎蒸懷抱鰥寡之惠浹燔瘞懸沈肅祇

群神之禮備是以來儀集羽族于觀魏肉角訓毛宗于外園獲緇
文皓瑄于郊升黃輝采麟于沼甘露宵零于豐草三足軒翥于茂
樹若乃嘉穀靈草奇獸神禽應圖合謀窮祥極瑞者朝夕坰牧日
月邦畿卓犖方州洋溢乎要荒昔周姬有素雉朱鳥玄秬黃鬻之
事耳君臣動色左右相趨濟：翼：我：如也蓋明昭用寅畏承
聿懷之福亦以寵靈文武貽燕後昆覆以懿錄豈其為身而有顯
辭也若然受之亦宜勤恁旅力克厥道啓恭館之金滕御東序之
秘寶以流其占夫圖書亮章天哲也孔繇先命聖字也体行德本
正性也逢吉丁辰景命也順命以創制因定以和神答三靈之蕃

社展放唐之明文茲事体大而允寤寐次于心瞻前顧後豈蔑清
廟憚勅天命也伊考自遂古乃降戾爰茲作者七十有四人有不
俾而假素罔光度而遺章今其如台而獨闕也是時聖上固以垂
精遊神苞藝舉文屢訪群儒俞咨故老與之酌道德之淵源儲覈
仁義之林藪以望元符之臻焉既感群后之僥辭又悉經六籍之
碩慮矣將緝萬嗣揚洪輝奮景炎扇遺風播芳烈久而愈新用而
不竭汪々乎丕天之大理其疇能巨之哉唐哉皇哉皇哉唐哉

